



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

Quomodo teneamur ad Ieiunium

urn:nbn:de:hbz:466:1-34315

homines coram illis sese prosternunt, manus & oculos ad eas attollunt, luminaria & thymiamata illis accendent, vestes aliisque id genus ornamenta appendunt, similisque cultus & honores offerunt, ad veneracionem Dei & sanctorum eius. Idem & sancti Patres omnes ex verbo Dei agnouerunt & senserunt, usque ad tempora D. Gregorij. Postea vero una cum aliis multis idolatriis simulachrorum quoque cultus exortus est: quem omnis Christianus, qui Domini sui verbum recte agnoscit, ex toto corde fugiet & abominabitur: non curans quid omnes idolorum propugnatores tam antiqui quam recentes suæ imaginum venerationi ac cultui praetexant. Id verum est, quod est primum: in quo omnes filii Dei perseverabunt. Amen.

Decimanona Accusatio.

De Ieiunio.

Ieiunare per se non est bonum opus.

Ieiunare sine spontaneo ac per se incitante spiritu, magis est hominum quam Dei cultus.

Quomodo teneamur ad Ieiunium.

De discrimine ciborum.

De merito Ieiunij.

De ludibrio quod exercetur cum Horis in diebus Ieiuniorum.

De triduano Ieiunio Pauli.

C A P V T L I .

AEc Accusatio instituta est ab Aduersariis contra Articulum de Ieiunio, habetque septem partes.

H Prima est, Quod liber doceat, Ieiunium non esse opus per se bonum, aut prius cultum Dei. Verum Deus ipse hoc affirmauit, Es. 58. & omnes S. Patres. Nisi enim plena sui ipsius traditio in omne placitum ac voluntate Dei fuerit cum Ieiunio coniuncta, ad eamque promouendam suspiciatur Ieiunium, Dominus id reiicit, ac spernit. Hac de re legantur sua ipsius verba apud Prophetam, & omnes sermones doctrinae S. Patrum de Ieiunio.

Secunda pars est, Librum docere, quod Ieiunium nemini possit mandato imponi. At certum est, omne quod non a spontanea mente & ex amore Dei fit, Domino placere non posse. Ordinanda Ieiunia sunt, & homines ad id admonendi, sicut liber Reformationis docet. Quando autem aliquis non ex cōtritione ac dolore de peccatis suis, serioque desiderio donum orandi & inuocandi, corpūisque suum subiiciendi ieiunat, sed tantum ex coactione mandatorum hominum, vel consuetudine, de illo testatur Dominus, quod frustra se colat, imo non se, sed potius homines qui ei Ieiunium iniunxerunt.

Tertia pars est, Librum habere, quod veteres nullum Ieiunium precepint: sed tantum consueuisse eos ad id admonere, & conscientias, quā-

tum ad Ieiunium pertinet, reliquise liberas, neque damnasse eos, qui iejunare aut nollent, aut non possent. Huic autem dogmari vetustissimus doctor & martyr Irenaeus, ad Victorem Episcopum Romanum scribens, testimonium perhibet, ut legitur in lib. 5. Eccles. Hist. Euseb. cap. 34. & in Hist. Tripart. lib. 9. cap. 38. Chrysost. Homil. x. in Genesim. Neque aliquid habetur in Epistola Augustini ad Casulanum, quam Aduersarij citant, quod huic doctrinæ repugnet. D. Augustinus eo in loco docet, quemlibet hoc modo & tempore ieinnare debere, quo in Ecclesiis ad quas forte deuenerit, iejunatur, si tamen, quod bonum Christianum decet, non velit a liis esse scandalo, nec quenquam sibi. Non autem propterea damnari iubet eos qui iejunare non possent, aut non vellent.

Verum est, si quæ Ecclesia verum ac pium Ieiunium obseruaret, sicut aliquando obseruata sunt, quorum (proh dolor) neque Aduersarij, neque alij multa exempla demonstrare posseunt, tunc qui cum per valetudinem possit, Ecclesiæ verò Dei se conformare non vellit, is sanè non minus peccaret, ac si diem Solis, aliisque sacros conuentus celebrare & obseruare recusaret. Quapropter Dominus quoque exterminationem è populo suo minatus est his, qui anniversarios Ieiunij dies non vñà cum populo obseruabant. Leuit. 23. Quamobrem quod Epiphanius contra Arrianos scripsit, & Aduersarij hoc loco citarunt, Libro Reformationis nullo modo contrarium est. Non enim iubet ut ieunia publicè ordinata & instituta contemnantur, aut tanquam Iudaica vituperentur, quemadmodum ab Arrianis siebat: sed docet ut ea rectè ac Christianè obseruentur. Hoc tantum reprehendit Liber, quod Ieiunia præcipiuntur, & peccatum mortale iudicatur, si quis ea neglexerit: quodque hac oratione conscientiæ non sine periculo constringantur, docet, quemadmodum etiam ipsa Ieiuniorum indictio doctrinæ & obseruationi sanctorum Patrum penitus aduersatur. Illi enim quando dies & tempora ad ieunandum ordinarunt, vnicuique conscientiam suam liberam reliquerunt, & apud seipsum perpendere, quidnam in viribus eius esset, aut non. Postea ordinatum est, ut super hac re quilibet pastorem ac medicum suum consuleret. Sed quid longa disputatione opus est, cum proh dolor, nullibi extenta vera ieuniorum exempla? Conuenitne ut multe ferantur leges, nouissimæ peccatis conscientiæ onerentur, vbi Deus nihil præcepit, & hominum quoque mandata nemo obseruat? Iudicet omnis cui vera pietas cordi est.

Quarta pars est, Librum delectum ciborum tanquam rem inutilem nihil ducere. Resp. Verum est. Per seipsum sine eo ieunio, & extra hunc finem, ut per eum corpus ad cultum Dei promoueatur. Et hoc idem docent omnes S. Patres. Videatur liber, & legantur sermones Patrum de Ieiunio. Et quis dicere queat, quod aliquid

moz.